



COVID-19-ի դեմ պատվաստում. հաճախակի տրվող հարցեր ԽԹԱՆԻՉ ԴԵՂԱՉԱՓԵՐ

Այս և պատվաստման վերաբերյալ այլ ՋՏՅ-ներն առցանց տեսնելու համար այցելեք [COVID-19-ի դեմ պատվաստման կայքէջ](#):

Ինչո՞ւ են COVID-19-ի դեմ խթանիչ դեղաչափերը կարևոր

Խթանիչ դեղաչափերն օգտագործվում են տարբեր պատվաստանյութերի դեպքում՝ ապահովելու շարունակական պաշտպանվածություն ծանր հիվանդություններից:

[COVID-19-ի դեմ պատվաստանյութերը շարունակում են լավ գործել](#) մարդկանց ծանր հիվանդություններից պաշտպանելու հարցում: Ժամանակի ընթացքում այս պաշտպանության մակարդակը կարող է իջնել: COVID-19-ի խթանիչ պատվաստանյութ ստանալը կարևոր է, քանի որ այն ուժեղացնում է ձեր անվարակունակությունը: Սա ձեզ տալիս է ավելի լավ պաշտպանվածություն ծանր հիվանդանալուց, հիվանդանոց ընկնելուց և նույնիսկ մահանալուց:

Ստացեք խթանիչի այն դեղաչափը, որը ձեզ խորհուրդ է տրվում (տե՛ս ներքևում):

Ի՞նչ է թարմացված խթանիչ դեղաչափը

Այս աշնանը թարմացված (երկվալենտ) խթանիչները փոխարինեցին սկբնական՝ բնօրինակ (միավալենտ) խթանիչներին: Դրանք հայտնի են նաև որպես 2022-ի աշնան խթանիչներ:

Pfizer-ի և Moderna-ի այս թարմացված աշնան խթանիչները պարունակում են նույն հիմնական բաղադրիչները, ինչը որ պարունակում էին բնօրինակ պատվաստանյութերը, բայց թարմացվել են՝ թիրախավորելու Օմիկրոնի ամենավերջին ենթատեսակները (BA.4 և BA.5), ինչպես նաև COVID-19-ի սկբնական տարբերակը: BA.4 և BA.5 ենթատեսակներն են առաջացնում Կալիֆորնիայում COVID-19 վերջին դեպքերի մեծ մասը: Սրանք ավելի վարակիչ են, քան նախորդ տարբերակները:

Այս թարմացված աշնան խթանիչները կարող են օգնել վերկանգնել պաշտպանվածությունը, որը ժամանակի ընթացքում թուլացել է, և օգնել մեծացնել պաշտպանվածությունը նոր ենթատեսակներից:

Ո՞վ պետք է ստանա խթանիչ դեղաչափ

5 տարեկան և ավելի բարձր տարիքի յուրաքանչյուր ոք պետք է ստանա մեկ աշնան թարմացված (երկվալենտ) խթանիչ՝ COVID-19-ի իրենց վերջին դեղաչափից (հիմնական շաբթի վերջին կամ վերջին միավալենտ խթանիչ) առնվազն 2 ամիս հետո: Նշանակություն չունի, թե նախկինում քանի խթանիչ կամ պատվաստանյութ(եր)ի որ տեսակն եք ստացել:

- 6 տարեկան և ավելի բարձր տարիքի չափահասները կարող են ստանալ կամ Pfizer-ի, կամ Moderna-ի աշնան խթանիչ:
- 5 տարեկան երեխաները կարող են ստանալ Pfizer-ի աշնան խթանիչ:

Նշում: 11 տարեկանից ցածր տարիքի երեխաները ստանում են թարմացված խթանիչի ավելի փոքր չափաբաժին, քան պատանիներն ու չափահասները:

Խթանիչի ոչ մի դեղաչափ թույլատրված չէ 6 ամսականից 4 տարեկան երեխաների համար:

Խթանիչի այլընտանքային տարբերակներ 18 տարեկան և ավելի բարձր տարիքի որոշ մարդկանց համար





COVID-19-ի դեմ պատվաստում. հաճախակի տրվող հարցեր ԽԹԱՆԻՉ ԴԵՂԱՉԱՓԵՐ

18 տարեկան և ավելի բարձր տարիքի մարդիկ կարող են ստանալ Novavax (միավալենտ) պատվաստանյութը որպես խթանիչ՝ առաջարկվող Moderna-ի և Pfizer-ի թարմացված խթանիչների փոխարեն, եթե նրանք բավարարում են հետևյալ բոլոր չափանիշները.

1. Նրանք չեն կարող կամ ցանկություն չունեն ստանալ թարմացված խթանիչ (օրինակ՝ եթե նրանք ունեն խիստ սուր ավերգիա իՌՆԹ՝ Moderna-ի և Pfizer, պատվաստանյութերի նկատմամբ), և
2. Նրանք ամբողջությամբ ստացել են հիմնական շարքի պատվաստումները, և
3. Նրանք նախկինում երբեք չեն ստացել խթանիչ դեղաչափ:

Novavax պատվաստանյութի խթանիչը տրվում է հիմնական շարքի վերջին դեղաչափից առնվազն 6 ամիս հետո:

Իմանալու համար, թե երբ կարող եք դուք (կամ ձեր երեխան) ստանալ խթանիչ՝ տե՛ս *Երբ ստանալ խթանիչները* ինտերակտիվ գործիքը CDC-ի՝ [ժամանակին ստացե՛ք ձեր պատվաստանյութերը, ներառյալ՝ խթանիչները](#) կայքում:

Խոսեք ձեր բժշկի հետ, եթե հարցեր ունեք:

Կարո՞ղ եմ ստանալ խթանիչ, եթե ունեցել եմ COVID

Այո: COVID-19-ով հիվանդանալուց հետո COVID-19-ի պատվաստանյութ ստանալը առաջացնում է դրա դեմ ավելացված պաշտպանվածություն և ապագայում:

- **Եթե COVID-19 ունեք հիմա**, սպասեք, մինչև առողջանաք (եթե ախտանիշներ ունեք) և ավարտեք մեկուսացումը՝ COVID-19-ի դեմ պատվաստվելու համար: Նպատակն այն է, որ դուք չփոխանցեք COVID-19-ը առողջապահության աշխատակիցներին ու մյուսներին, երբ պատվաստվեք:
- **Եթե դուք վերջերս եք ունեցել COVID-19**, դուք կարող եք նկատի ունենալ հետաձգել պատվաստանյութի դեղաչափը ստանալը (հիմնական շարքի կամ խթանիչ) 3 ամսով՝ ձեր ախտանիշների հայտնվելուց կամ առաջին դրական թեստ ունենալուց հետո (եթե ախտանիշներ չունեք): Հիվանդանալուց հետո առաջին մի քանի ամիսների ընթացքում նորից վարակվելու հավանականությունը ցածր է: Վարակվելու և պատվաստվելու միջև ընկած ավելի երկար ժամանակը նույնպես կարող է առաջացնել ավելի լավ իմունային արձագանք: Այնուամենայնիվ, դուք չպիտեք է հետաձգեք դեղաչափի ընդունումը 3 ամսից ավելի, և ավելի ապահով կլինի պատվաստանյութն ավելի շուտ ստանալը:

Որո՞նք են խթանիչ դեղաչափ ստանալու վտանգները

Խթանիչ դեղաչափերին հաջորդող ազդեցությունները նման են հիմնական դեղաչափերին հաջորդող ազդեցություններին: Կողմնակի ազդեցությունների մեծ մասը մեղմ և չափավոր են և տևում են 2 օր կամ ավելի քիչ: Ինչպես հիմնական պատվաստանյութերի շարքը ստանալու դեպքում, լուրջ կողմնակի ազդեցությունները հազվադեպ են պատահում: Լրացուցիչ մանրամասների համար այցելեք CDC-ի՝ [COVID-19-ի դեմ պատվաստման անվտանգությունը](#) կայքէջ: Խթանիչ դեղաչափ ստանալու առավելությունները գերազանցում են բոլոր հայտնի և հնարավոր վտանգները:





COVID-19-ի դեմ պատվաստում. հաճախակի տրվող հարցեր ԽԹԱՆԻՉ ԴԵՂԱՉԱՓԵՐ

Արդյո՞ք ես պետք է ներկայացնեմ բժշկի գրություն կամ դեղատոմս՝ խթանիչ դեղաչափ ստանալու համար

Ոչ, ձեզ հարկավոր չէ բժշկի գրություն կամ դեղատոմս՝ խթանիչ դեղաչափ ստանալու համար: Երբ գնում եք պատվաստման վայր, ձեզ հետ վերցրեք պատվաստման ապացույց, օրինակ՝ ձեր CDC-ի սպիտակ քարտը կամ պատվաստման թվային քարտը: Լրացուցիչ տեղեկությունների համար այցելեք Չանրային Առողջության Վարչության [Ինչպես պատվաստվել](#) կայքէջ:

Որտեղի՞ց կարող եմ ստանալ լրացուցիչ տեղեկություններ



- Այս ՉՏՉ-ն կամ COVID-19-ի դեմ պատվաստման այլ թեմաների վերաբերյալ ՉՏՉ-ները տեսնելու համար սկանավորեք QR ծածկագիրը կամ այցելեք [COVID-19 -ի դեմ պատվաստման ՉՏՉ-ները](#) կայքէջ:
- CDC-ի կայքէջ՝ [ժամանակին ստագեք ձեր պատվաստանյութերը, ներառյալ՝ խթանիչները:](#)
- [VaccinateLACounty.com](#)՝ ներառյալ [COVID-19-ի դեմ պատվաստման ժամանակցույցը](#), որն աղյուսակներով ցույց է տալիս պատվաստման յուրաքանչյուր դեղաչափի ընդունման ժամանակը և տեղեկություններ է տրամադրում այն մասին, թե [ինչպես պատվաստվել:](#)
- Չարցերի դեպքում խոսեք ձեր բժշկի հետ:

